



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Concordia. Pia Et Vnanimi Consensv repetita Confessio
fidei & doctrinæ Electorvm, Principvm Et Ordinvm Imperii,
atq[ue] eorundem Theologorum, qui Augustanam
Confessionem amplectuntur**

Lipsiæ, 1606

Confessio Fidei Exhibita Inuictiss. Imp. Carolo V. Cæsari Aug. in Comitijs
Augustæ, Anno M. D. XXX.

urn:nbn:de:hbz:466:1-35443

CONFESSIO FIDEI EXHIBITA

Inuictis. Imp. Carolo V. Cæsari
Aug. in Comitijis Augustæ,
Anno M. D. XXX.

PRÆFATIO AD CÆSA- rem Carolum V.

Inuictissime Imperator, Cæsar Auguste,
Domine clementissime, Cum V. C. M. in-
dixerit conuentum Imperij Augustæ, et
deliberetur de auxilijs contra Turcam,
atrocissimum, hereditarium, atq; Vete-
rem Christiana nominis ac religionis hostem, quomodo il-
lius scilicet furori et conatibus, durabili et perpetuo
belli apparatu resisti possit. Deinde et de dissensionibus
in causa nostra sanctæ religionis et Christiana fidei, et
et in hac causa religionis, partium opinionones, ac senten-
tia inter sese, in caritate, lenitate, et mansuetudine mu-
tua audiantur coram, intelligantur et ponderentur, et
illæ, quæ utrinque in scripturis secus tractata aut intelle-
ctæ sunt, sepositis et correctis, res illæ ad vnā simpli-
cem veritatem et Christianam concordiam componan-
tur et reducantur, et de cætero à nobis vna, sincera et
vera religio colatur, et seruetur, et, quemadmodum sub
vno Christo sumus et militamus: ita in vna etiam Ec-
clesia Christiana, in vnitæte et concordia viuere pos-
sumus.

Cumq; nos infra scripti Elector & Princeps, cum alijs qui nobis coniuncti sunt, perinde vt alij Electores & Principes & Status ad praedicta Comitum vocati sumus, vt Caesareo mandato obedienter obsequeremur, mature venimus Augustam. Et quod citra iactantiam dictum volumus, inter primos affuimus.

Cum igitur V. C. M. Electoribus, Principibus & alijs Statibus Imperij, etiam hic Augusta sub ipsa initia horum Comitiorum inter cetera proponi fecerit, quod singuli Status Imperij & ipse Caesaris edicti, suam opinionem & sententiam in Germanica & Latina lingua proponere debeant atq; offerre. Et habita deliberatione proxima feria quarta, rursus responsum est V. C. M. nos proxima feria sexta articulos nostrae confessionis pro nostra parte oblaturus esse. Ideo vt V. M. voluntati obsequamur, offerimus in hac religionis causa nostrorum concionatorum, & nostram confessionem, cuiusmodi doctrinam ex scripturis sanctis, & puro verbo Dei, haecenus illi in nostris terris, ducibus, ditionibus, & Urbibus tradiderint, ac in Ecclesijs tractauerint.

Quod si & ceteri, Electores, Principes & Status Imperij, similibus scriptis, Latino scilicet & Germanico, iuxta praedictam Caesarem propositionem, suas opiniones in hac causa religionis produxerint, hic nos coram V. C. M. tanquam Domino nostro clementissimo paratos offerimus, nos cum praefatis Principibus & amicis nostris, de tolerabilibus modis ac vijs amicè conferre, vt quantum honestè fieri potest, conueniamus, & re inter nos partes, citra odiosam contentionem, pacificè agitata, Deo dante, dissensio dirimatur, & ad vnā veram concordem religionem reducatur, sicut omnes sub vno Christo sumus & militamus, & vnum Christum confiteri debemus. iuxta tenorem edicti V. C. M. & omni-

ad Veritatem Dei perducantur, id quod ardentissimis
 votis à Deo petimus.

Si autem, quod ad ceteros Electores, Principes &
 Status, et partem alteram, attinet, hac tractatio cause
 Religionis, eo modo, quo V. C. M. agendam & tractan-
 dam sapienter duxit, scilicet, cum tali mutua presenta-
 tione scriptorum ac sedata collatione, inter nos non pro-
 cesserit, nec aliquo fructu facta fuerit, nos quidem testa-
 tum clarè relinquimus, hic nihil nos, quod ad Christia-
 nam concordiam (quæ cum Deo & bona conscientia fie-
 ri possit) conciliandam conducere queat, vlllo modo de-
 tractare. Quemadmodum & V. C. M. deinde & ceteri
 Electores, & Status Imperij, & omnes, quicunq; sin-
 cere religionis amore ac studio tenentur, quicunq; hanc
 causam a quo animo audituri sunt, ex hac nostra & no-
 strorum confessione hoc clementer cognoscere & intelli-
 gere dignabuntur.

Cum etiam V. C. M. Electoribus, Principibus &
 reliquis Status Imperij non vna vice, sed sæpè cle-
 menter significauerit, & in Comitijis Spirensibus, qua
 Anno Domini & c. XXVI. habita sunt, ex data & pra-
 scripta forma vestra Cesareæ instructionis & commissio-
 nis recitari, & publice prælègi fecerit: Vestram M. in
 hoc negotio religionis ex causis certis, qua V. M. nomine
 allegata sunt, non velle quicquam determinare, nec con-
 cludere posse, sed apud Pontificem Romanum pro offi-
 cio V. C. M. diligenter daturam operam de con-
 gregando Concilio generali. Quemadmodum idem
 latius expositum est ante annum in publico proximo
 conuentu, qui Spira congregatus fuit. Vbi V. C. M.
 per Dominum FERDINANDVM Boëmia & Vngaria
 Regem, amicum & Dominum clementem nostrum, De-
 inde per Oratorem, & Commissarios Cesareos, hac in-
 ter cetera proponi fecit, quod V. C. M. intellexisset, &
 expendisset Locum tenentis V. C. M. in imperio, &

Præsidentis & Consiliariorum in Regimine, & Legatorum ab alijs Statibus, qui Ratispona conuenerant, deliberationem de Concilio congregando. Et quod iudicaret etiam V. C. M. utile esse, ut congregaretur Concilium, & quia causa, qua iam tractabantur inter V. C. M. & Rom. Pontificem, vicina essent concordia & Christiana reconciliationi, non dubitaret V. C. M. quin Roman. Pontifex adduci posset ad habendum generale conciliū. Ideo significabat se V. C. M. operam daturam, ut praesatus Pontif. Maximus una cum V. C. M. tale generale Concilium, primo quoque tempore emissu literis publicandis congregare consentiret.

In euentum ergo talem, quod in causa religionis dissensiones inter nos & partes amice & in caritate non fuerint compositae, tunc coram V. C. M. hic in omni obedientia nos offerimus, ex superabundanti comparituros & causam dicturos in tali generali, libero & Christiano Concilio, de quo congregando in omnibus Comitibus Imperialibus, qua quidem annis Imperij V. C. M. habita sunt per Electores, Principes, & reliquos status Imperij, semper concorditer actum, & congruentibus suffragiis conclusum est. Ad cuius etiam generalis Concilij conuentum, simul & ad V. C. M. in hac longè maxima & grauissima causa, tam ante etiam debito modo & in forma iuris prouocauimus, & appellauimus. Cui appellationi ad V. C. M. simul & Concilium adhuc adhaeremus, neque eam per hunc vel alium tractatum (nisi causa inter nos & partes, iuxta tenorem Caesarea proxima Citationis amice in caritate composita, sedata, & ad Christianam concordiam reducta fuerit) deserere intendimus aut possumus, De quo hic etiam solenniter & publice protestamur.

